

و متعنا اللهم بأسماعنا و أبصارنا | الشيخ محمد خيرى # اللقاء الأسبوعي

محمد خيرى

السلام عليكم ورحمة الله وبركاته والحمد لله رب العالمين له الحمد الحسن والثناء والجميل واشهد ان لا اله الا الله وحده لا شريك له
واشهد ان محمدا عبده ورسوله وبعد. اسأل الله سبحانه وتعالى ان يكرمنا واياكم بما يحب ويرضى - [00:00:01](#)
ويرزقنا واياكم السكينة ويسكن قلوبنا وارواحنا بما يحب ويرضى ما زلنا مع دعاء رسول الله صلى الله عليه وسلم اللهم اقسام لنا من
خشيتك ما تحول به بيننا وبين معاصيك - [00:00:26](#)

ومن طاعتك ما تبلغنا به جنتك ومن اليقين ما تهون به علينا مصائب الدنيا ومتعنا باسماعنا وابصارنا وقواتنا ما احببتنا واجعله
الوارث منا. واجعل ثأرنا على من ظلمنا وانصرنا على من عادانا ولا تجعل مصيبتنا في ديننا ولا تجعل الدنيا اكبر همنا ولا مبلغ علمنا -
[00:00:49](#)

ولا تسلط علينا من لا يرحمنا اللهم امين هذا الدعاء النفيس الجميل قد تكلمنا عن بدايته وكنا قد توقفنا عند قوله صلى الله عليه وسلم
ومتعنا باسماعنا وابصارنا وقواتنا ما احببتنا - [00:01:25](#)

فنسأل الله سبحانه وتعالى ان يمتعنا واياكم بما اعطانا من نعم ومن جوارح نستعملها في طاعته والا تصرف الا اليه والا ما يحب
ويرضى دائما وابدا نكرر على آآ انفسنا ومسامع غيرنا - [00:01:52](#)

ان الانسان اشكاله او اشكالات الكثير من الناس ليست في النصوص الشرعية وان ظهر ان مشاكل الكثير في عدم السمع والطاعة
والانسجام بالنص الشرعي يعني تيجي تقول لواحد من السنة فعل كذا - [00:02:13](#)
يحرم فعل كذا. يستحب فعل كذا فتلاقي كثير من الناس ممكن تقاوم الحقيقة الاشكال بتاعه آآ او في كثير من هذه الحالات اذا تأملت
ستجد ان الاشكال المركزي هو في مفهوم العبودية لديه - [00:02:34](#)

ومدى استحضر العبد للمهمة التي خلق من اجلها والمفهوم ده سبحانه الله كلما غاب عنك كلما شردت عنه كلما غاب هذا
المفهوم عنك كلما ابتعدت وشردت عن الله سبحانه وتعالى وعن شرعه - [00:02:59](#)

المبدأ مهم قوي استعب ووضح اكثر حضرتك مولود فين بالقاهرة مولود في الاسكندرية مولود في الاردن مولود في قطر مولود في
الكويت سؤال في حد استشارك انك تتولد فين لم يستشارك احد. اليس كذلك - [00:03:20](#)

طيب حد استشار حضرتك حد استشار حضرتك بالوالد والوالدة مين يكون باباك ومين يكون مامتك ما حدش استشار طيب
في حد استشارك انك تطلع وزنك قد ايه التخين والعطايا طويل ولا قصير - [00:03:45](#)

ابيض ولا غير هذا برضو ما حدش استشارك يعني ما حدش استشارك في الحاجات دي خالص انت متأكد بما انك لم تستشار في هذا
الامر لعلك تستشاره بنهاية الامر هل انت عندما تموت - [00:04:14](#)

هيتم استشارتك هل هتم استشارتك؟ اذا انت لم تستشار لا في البداية ولا في النهاية وما بينهم الدم بتاعك ده اللي بيجري فيك ده
بمزاجك انت المتحكم في الدم اللي بيجري فيك دلوقتي - [00:04:37](#)

انت المتحكم في نبضات قلبك لا انت اتحكمت في بدايتك ولا اتحكمت في نهايتك ولا متحكم في اشياء كثيرة جدا بينهما. ليه مصمم
تدخل عقلك بقى دلوقتي هو ده مفهوم العبودية - [00:04:54](#)

مفهوم العبودية ان في جزء منها قهرا انت مقهور انت عبد مقهور قهرك الرحمن قهرك الحكيم قهر العليم فاتي بك قهرا لانك عبده وخلق من خلقه الم تستشار واتى بك في مدينة وفي اسرة وفي طباع وفي جينات وفي كل حاجة مش بمزاجك لم تستشار -
[00:05:10](#)

وستنتهي تنتهي سنتنتهي كل هذه الامور بلا استشارة منك خلاص؟ دي عبودية قهر عبودية ليس فيك لك فيها اختيار سم ممكن سبحانه وتعالى من عبودية اختيار وقال لك انا خلقت جنة - [00:05:40](#)
والجنة دي صنعتها بيدي فهذه الجنة لمن يختار العبودية فيما بين هذه الامور فاهمين واصلة الفكرة بين البداية بقى والنهاية الفترة اللي انت هتعيشها ديت انك تكمل عبد اني لا استشار مع شرعه - [00:06:04](#)
يعني انا ما قتلوش انت ليه خلقتني في اليوم ده وليه خلقتني من الاب ده ومن الام دي وليه خلقتني وليه وليه ولا بقول له انا ليه هاموت في اليوم ده؟ ليه؟ لان الكلام ده - [00:06:27](#)
مش بتاعي كذلك اذا اتاك النص من الله سبحانه وتعالى عندما يأتيك النص المفترض تمارس ايه؟ سلوك العبد. ولزلك الناس اللي بيتكلموا في الحرية بنقول له ايه؟ انا لم استشار في البداية ولم - [00:06:40](#)
مستشار في النهاية فانا اكون حر في علاقتي مع المخلوق. ما فيش حد له كلمة علي. لكن مع الخالق انا عبد. انا مش حر انا مع الخالق انا عبد - [00:06:55](#)

الباب ده مهم قوي استيعابه يا جماعة قال والله سبحانه الله المفهوم البسيط ده رغم ان احنا واخدينه من واحنا صغيرين اوي وان احنا درسناه واحنا اطفال نشئنا عليه لكن لما تيجي تتأمل - [00:07:08](#)
هو مربوط الفرس بمناكفات كتير ناس كتير هو عاوز بقى يقول له ايه؟ يقول لا يعني انا جيت بلا مستشار اه لكن تيجي تقول هنبسك الحجاب لأ انا لازم استشار في الموضوع ده - [00:07:22](#)
انا مش هغطي شعري اهو دي حرية بما انك عاوز تمارس الحرية ما كنت مارستها من الاول لما اراد ان يخلقك كنت تقول لا مش جاي وعندما يريد ان يقبض روحك يقول لأ انا مش جاي مش موافق على اللقطة دي - [00:07:42](#)
بما انك عبد مارس العبودية بقى وكمل واخدين بالكم واللي يفهم المفهوم ده سبحانه الله بتحل عنده ازمات كتيرة قوي ان انا ساطالب بالحرية ما استطعت بس حرية الا يوجد مخلوق يتحكم فيه ويقهرني - [00:08:01](#)
اما الخالق خلاص ولله المسل الاعلى فيه فرق كبير جدا بين المسل لكن من باب التقريب المسال لو انت عندك حطة قماشة وانت راجل خياط ما وحش خدت الحطة دي - [00:08:23](#)

وعملت بها جاوتني وحطة عملتها شراب وحطة عملتها كم هي الرماشة ديت اللي في الشراب او في اللي هنا لها ان هي تقول ليه مش انا اللي اكون هنا وليه ودي تقول ليه مش انا اللي اكون هنا - [00:08:40](#)
دي حاجة ودي حاجة كذلك هو خالق وانت مخلوق هو الرب وانت عبد واصلة الفكرة دي وعمما تتعامل مع الله سبحانه وتعالى ان هذه تمام قدرته فما بالك بقى بعد ما تعرف المعلومة دي تعرف كمان معها معلومة ايه؟ انه العليم الحكيم - [00:08:58](#)
انه الرحمن الرحيم. انه الودود الحليم سبحانه وتعالى ولذلك والله وبالله وتالله لو علمت ربك رحمانا رحيمنا وعرفت كويس قوي وخيرت بينه ان يحاسبك ارحم الناس من المخلوقين الذين تعرفهم وربك لاخترت ربك - [00:09:21](#)
فكده كان سفيان وغيره يقول لو خيرت بين ان تحاسبني امي ويحاسبني ربي لاخترت ربي ليه لان هو ارحم من امي لان امي مجرد رحمة من يعني مليارات مليارات الرحمات التي خلقها الله. اللي هي جزء من مائة رحمة - [00:09:52](#)
من رحمة الله سبحانه وتعالى لكان الرحمن الرحيم هو الذي سيحاسبني لا فانا في اطمئنان ببعض الاثار ان الله يرحم يوم القيامة الخلق حتى يشرب ابلوس بعنقه. يعني لدرجة ان ابليس يعني ايه؟ يقول ها يمكن تيجي. ويمكن ايه؟ ويزن - [00:10:18](#)
كأن من كسرة الرحمات ينسى ما ايه؟ ما هو مقتنع بي سبحانه الله ايه ده بقى عما تعلم ان هذا الرحمن الرحيم هو الذي يقدر عليك وهو الذي يطلب منك - [00:10:43](#)

انك تتعبد الى الله سبحانه وتعالى لي فعلا هتلاقي ان في مفاهيم كثيرة هتتحل معاك انا مين انا عشان اجي اقول نشرنا اللي البس الحجاب انا مين انا عشان اقول مش انا اللي اصلي - [00:11:03](#)

والله لو انت جاي بمزاجك وهتمشي بمزاجك. اختار بمزاجك لو انت جاي بمزاجك وهتمشي بمزاجك اختار بمزاجك لكن انت جيت مش بمزاجك وهتمشي مش باختيارك يبقى لابد ان تمارس ما يريد الرب - [00:11:24](#)

هي دي الحرية الحقيقية انك تبقى عبد له حر مما سواه عشان كده الجماعة اللي بينادوا بالحرية لابد ان المرء يدرك كويس قوي هذا المفهوم انك تقصد ايه؟ تقصد ان انا اكون حر مع زميلي مع اخواتي مع المخلوقين؟ ماشي احنا زينا مع بعض ما حدش له كلمة علي - [00:11:50](#)

ده الاصل الا اذا كان الشرع هو الذي اعطاه هذه المساحة الرب الذي اعطاه المساحة دي؟ اه يبقى انا بسمع واطيع ليه؟ لان الله هو الذي امرني واخدين بالكم؟ ان ربنا هو اللي امرنا - [00:12:19](#)

فاحساس بالعبودية ده مريح جدا يريحك ويمكن اتكلمنا قبل كده في القضاء والقدر وان شاء الله هنتكلم في ايه؟ اللقاء كامل في هذا المفهوم لكن خلاصة الملفات دي كلها الله لا يحاسبك على علمه فيك - [00:12:37](#)

الله لا يحاسبك على علمه فيك ولكن يحاسبك على ما بدا منك على فعلك واصلة الفكرة يعني من الحاجات اللي تطمنك خالص ما تدخلش نفسك يعني انت دلوقتي بتقول ايه انا من يوم ما عرفت ان ربنا كتب على الخلق والكلام ده كله وانا عندي شوشرة - [00:13:00](#)

طب يا سيدي عندك شوشرة من ايه اعتبري المعلومة دي انت مش عارف تفهمها انت فاهم كويس قوي ان هو لن يحاسبك الا على عملك؟ اه انا ليه فاهمها كويس خلاص - [00:13:26](#)

علمه فيك لن يحاسبك به يعني الله سبحانه وتعالى يعلم من سيكون في الجنة ومن سيكون في النار. ويعلم عمل الطائعين وعمل العاصين. صح كده هل حاسب الناس على هذا العلم السابق ام على ظهور هذا العلم - [00:13:37](#)

يحاسب الناس على ظهور هذا العلم اليس كذلك ايوه معنى ده مهم اوي ماشي هو مش عارف انا بقول ايه مزعج عشان الناس لغاية دلوقتي مش فاهمة يعني احاول ابسط ربنا يفتح علي - [00:13:58](#)

اكذ تاني بنقول دلوقتي ربنا اخبرنا انه يعلم ربنا يعلم. في حد اصلا هو مسمي اسمه ياس من الياس. فلذلك كل كلامه ايه؟ هو احباط احباط احباط احباط. هو واضح ان فيه - [00:14:21](#)

اشكال ما كلكعة ما هو محتاج يتناقش مع حد فيها اكثر ما هو لان الموضوع مش مجرد اسئلة. لا هو انعكاس لفكرة واخدين بالكم فنسأل الله ان يشرح صدري وصدوركم - [00:14:38](#)

بقول ان الله سبحانه وتعالى اخبرنا بعلمه السابق فينا صح؟ يعني ربنا اخبرنا ايه اللي هيحصل من انه يعلم ما الذي اه يستحملني الذي يستحق ان يدخل الجنة ومن الذي يستحق ان يدخل النار؟ صح كده - [00:14:57](#)

واخبرنا الله ان كل شيه مكتوب. صح كده هذه المعلومة تفرق معي ايه؟ طالما ربنا مش هيحسبني عليها المعلومة ديت ربنا مش هيحاسبك عليها ليه موترك واخدين بالكم المعلومة ديت ربنا هيحاسبك عليها - [00:15:16](#)

يعني الله سبحانه وتعالى سيحاسبك على عمل انت لم تفعله لآ وتلاقي العجيب الناس ديت بعينها هي هي بعينها اللي بيقتد اللي عندهم الدريكة دي عندهم الاشكال ده بتلاقيه سبحانه الله تيجي تقول له طيب - [00:15:42](#)

ربنا سبحانه وتعالى يعلم رزقك وكتب رزقك صح؟ دي انت بتنزل الشغل وليه بتزاكر؟ الجماعة بتوع سانوي اللي سامعيني دلوقتي انت ليه بتزاكر؟ الناس اللي عندهم امتحانات اليومين دول. انت ليه بتزاكر - [00:15:59](#)

يقول لك باخد بالاسباب وبسعى اشمعنا اما نيحي نقول لك خد باسباب دخول الجنة واسعى تقول لي لآ اصل هي مكتوبة خلاص هي دي مكتوبة ودي مش مكتوبة ولا هي القصة كلها بل تؤثر الحياة الدنيا والشيطان بيديك الهروب سلم الهروب ده - [00:16:15](#)

صح المعنى ده مهم اوي ان شاء الله هنفصل فيه اكثر في موضوع القضاء والقدر بازن الله. لكن دايمًا تواجهوا انفسكم بهذا الامر

شوفوا سبحان الله يا جماعة معلومة عشان تعرفوا الفرق - [00:16:30](#)

آآ ان شاء الله الدرس ده هيكون اسمه مسكنة لا مسكنة عقيدة تسكن قلبك لا تسكتك تفرق كتير بين حاجة تسكني وحاجة تسكتني
عقيدة القضاء والقدر هي عقيدة مسكنة لا مسكنة - [00:16:47](#)

واخدين بالكم ليه بقى لانك اول ما تعرفها يعني الصحابة اول ما عرفوها قالوا ايه يا رسول الله طب فيما العمل ازا؟ قال لهم كلمة
واحدة. قال اعملوا فكل ميسر ما خلق له - [00:17:12](#)

ما تلاقيش واحد منهم كمل في الايه؟ في التوتو. ليه؟ لان الجملة دي ان شاء الله اما نيجي ندرس هنلاقيها ايه؟ فكت اشكالات كتيرة
جدا عندهم. كانه بيقول لهم ايه - [00:17:22](#)

لن يحاسبك الا على عملك. اشتغل وكله ميسر لما خلق له ماشي؟ الباب ده مهم قوي فنسأل الله سبحانه وتعالى ان يسدنا واياكم لما
فيه خير يقول النبي صلى الله عليه وسلم ومتعنا - [00:17:34](#)

ومتعنا خلاص بقى احنا اتفقنا يأس من اليأس ده انت مشاكلك محتاجة ايه جلسات خاصة. الباب ده ليس بابك الان فانتزر يقول النبي
صلى الله عليه وسلم في الدعاء ومتعنا باسماعنا وابصارنا وقواتنا ما احببنا - [00:17:50](#)

بما اننا يعني سبحان الله مع النبي صلى الله عليه وسلم كان النبي من هديه ان يغير الاسماء آآ الغير حسنة. فانا انصحك انك تغير هذا
الاسم خليه كده اسم كده ايه - [00:18:09](#)

لا تقنطوا من رحمة الله آآ لو انت بنت امة الرحمن لو انت ولد سمي نفسك عبدالرحمن استشعارك بالمعنى ده هيفرق كتير اوي اوي
خلاص يا جماعة لان الانسان بينتمي للحاجات ديت تفرق كتير قوي. في واحد شايف ان هو اصله قرد - [00:18:21](#)

فحياتو كلها هتكون انعكاس في القرد واحد تاني شاف ان اصله ادم الذي كرم فاسجد الله له ايه؟ من يسكن في الملاء الاعلى فواخذ
عزة مختلفة ففي واحد بيبقى منطلق في واحد تاني منطلق يقول لك ايه هي بايزة - [00:18:39](#)

خربت فواحد بيقول لك هي رايحة رايحة طب ما بناية رايحة رايحة طب انت جاي ليه الاسم بيكون له تأثير كبير جدا بعد كده في
القرارات اسأل الله ان يهزينا - [00:18:57](#)

ويرزقنا آآ حسن الزن بها لا يموتن احدكم الا وهو يحسن اليه يحسن الظن بالله سبحانه وتعالى ومتعنا باسماعنا وابصارنا وقواتنا ما
احببنا الله سبحانه وتعالى خلق الانسان في احسن تقويم - [00:19:11](#)

اليس كذلك هذا الخلق منه من احسن التقويم ده ان ربنا خلق لك البصر خلق لك انواع من القوة تتحرك بها في حياتك
وهي هبة من الله - [00:19:33](#)

الله سبحانه وتعالى. الم نجعل له عينين وامثالا وشفتين وقال الله سبحانه وتعالى وجعل لكم السمع والابصار والافئدة لعلكم تشكرون
استشعار العبد وهندندن على مفهوم العبودية. استشعار العبد واستحضاره انه لا يملك سمعه - [00:19:48](#)

لا يملك سمعه ولا بصره ولا قوته الا الله الذي ملكه اياه دي من انفع الاسباب اللي بتخليك دايم مستحضر رزق العبودية زي ما انت
بتقول ومتعنا بتقولها من قلب مختلف - [00:20:09](#)

وبلسان مختلف ان الله هو الذي يمتع ربنا اللي هيمتعك بسمعك ربنا اللي هيمتعك بعينك ربنا هيمتعك بايدك ربنا هيمتعك بظهرك ربنا
اللي هيمتعك بكل شيه سبحان الله ومتعنا ان ان الله سبحانه وتعالى هو الذي يمتعك بهذه الجوارح - [00:20:30](#)

اكثر الناس ممكن يغيب عنهم الموضوع ده هو فاكر ببيان انه سرحان في القوة والعافية اللي هو فيها ولا يلحظ ان سمعه وبصره
وقوته ديت ليست ملكي او يا جماعة سامعك ده ملك لك - [00:20:58](#)

واحد بيقول لك انا براحتي ده لساني واعمل اللي انا اعبد به. ده ايدي وانا اعمل بها اللي انت عاوزه. لأ وشك ده مش وشك مش ملك
لك اقصد يعني مش ملك لك - [00:21:19](#)

وجهك ده ايدك دي شعرك ده مش ملك لك امال ايه بقى ان شاء الله؟ لأ قل لنا بقى على الجديد. انا اول مرة اعرف الكلام ده. ده انا
عاملة بطاقة ومسمية اسمي وكل حاجة ايه؟ ملكي - [00:21:32](#)

لا ملك الله اياها على سبيل الامانة وستحاسبني على هذه الامانة انت واخذة الحاجة دي امانة هنتحاسبني عليها فتيجي يوم القيامة كنت اقرأ آآ الصلاة يعني فصلت فسبحان الله ايات - [00:21:44](#)

تخليك فايق يقول الله سبحانه وتعالى حتى اذا ما جاءوها شهد عليهم سمعهم وابصارهم وجلودهم بما كانوا يعملون مش هنا بس بقى الجماعة اللي كانوا عايشين ان دي ملكي بيقلوا له بيقلوا ايه؟ وقالوا لجلودهم لما شهدتم علينا - [00:22:12](#)

انت اصلا ملكي هو مين اللي ازلك قالوا انطقنا الله الذي انطق كل شيه وهو خلقكم اول مرة واليه ترجعون اللي خلاكي تنطقي اللي خالني انطق هو اللي خلقني. ما هو مش انت اللي خلقتيني - [00:22:32](#)

وما كنتم تستترون ان يشهد عليكم سمعكم ولا ابصاركم ولا جنودكم. ولكن كنت بقى ما الفخ كنتم فاكرين ان الله لا يعلم هذا الامر. ولكن ظننتم ان الله لا يعلم كثيرا مما تعلمون. تعملون - [00:22:52](#)

وذلكم ظنكم الذي ظننتم بربكم ارداكم. ده اللي جابك ارضي ده اللي حصل التردي بسببه فاصبحتم من الخاسرين. فليصبروا فالنار مثنوى لهم. كده كده صبرت ما صبرتش نسأل الله العفو والعافية. ومهما يطلب ان في حد يشفع لي فما هم من المعتدين. ان يستعتبوا فما هم من المعتدين - [00:23:13](#)

الخلاصة ان الاية مرعبة بتقولي ان كل واحد بيتعامل ان الجوارح دي والقوة دي بتاعته وان هي ملك له هيتورط توريده ثقيلة فانت كده وانت بتكلمني اهو حاول كده تبص على صوابك الخمسة - [00:23:38](#)

حط ايدك قدامك كده وبص لها خلاص وحاول كده لمدة خمس سواني تتخيل ان الايد دي هتتكريم لان الايد دي هتتكلم شوف بقى صابع السبابة ده اما يجي يتكلم ويقول ان هو كان بيدوس كم للموس - [00:24:00](#)

وداس على ايه خلاص شوف عينك دي حاول تبص كده في العين الجميلة اللي كل شوية تلعب فيها ولا تكلمها ولا مش عارفة ايه وحاسة ان العين دي العين دي هتقول انا كانت هي منتقبة اه ولكن كانت تفعل في عينها اشياء هي تعلم - [00:24:21](#)

كانت بتزبطها عشان انا اقدر اجيب واكون انا السنارة اللي اجيب بها اولاد واخليهم يلتفتوا لها وانت كنت منتقبة قدام الناس لكن انطقها رب الناس والايد تتكلم والرجل تتكلم فالرجل عما تول - [00:24:43](#)

انا للحرام سعيت والايد تقول وانا بالحل الحرامي ايه؟ يعني بطشت واللسان يقول وانا بالحرام تكلمت ياه ايه ده انت عندك استعداد انت كنت اصلا يعني معلش يعني انت ايه اللي خلى ايه اللي يخلي ناس تقع في الموقف ده؟ عارفين ايه - [00:25:03](#)

عارفين ايه اللي مخلي ناس ممكن تقف وتقف الموقف الشديد ده ان هو حب يمتع جوارحه بس يمتعها بطريق الملك كان رافض الطريق ده عشان كده انت بتقول له ايه؟ متعني يا رب - [00:25:24](#)

يا رب انت اللي ملك. انت المالك وانت الخالق وانت خالق المتعة يا رب انا عاوز خلطة استمتع بها وصل فكرة فانا جوارحي مش بتاعتي بصوا يا جماعة انا قلت مسل وبأكد عليه - [00:25:38](#)

دوات كل اللي بيسمعوني يا اما من خلال لاب او من خلال موبايل صح لو انا دلوقتي جيت عندك البيت رحت واخذ الموبايل ده وبدون اذن ورحت طالع هتقول لي ايه - [00:25:57](#)

تقول لي لو سمحت الموبايل مش بتاعك واقول لك عادي يعني. تقول لي لأ وتقول لك لأ طب انا هعمل منه مكالمتين كده. فانت قلت لي طب على الاقل استأذن - [00:26:10](#)

انا بيني وبين نفسي اقول لك هاستأذن ليه؟ فتقول لي ايه ملكي صح فتقول لي ملكي اليس كذلك؟ طيب سؤال شعرك ده ملك مين جسمك ده ملك مين؟ ملك ربنا. انت استأذنت مالك انك تخرجي باللبس ده - [00:26:22](#)

هو اذن لك لم يأذن خلاص الفلوس اللي في ايدك دي ملك مين طيب انت استأذنت المالك لها هو ازلك المساحة انك تصرفها ولا ساب الدنيا؟ لا مديك مساحات ايه اللي ينفع واللي ما ينفعش - [00:26:46](#)

ولو عدى وقت معين فيه اتنين ونص في المية ناخدم منك ومش بناخدمهم وانت يعني ايه لأ أنتبه بس. انت بتديهم لنا وانت في غاية الحب وطيب بها نفسك - [00:27:08](#)

يا جماعة في واحد انا في واحد دلوقتي انا اتفقت معه اتفاق. قلت له احنا قدام الناس هيزهر الاتي ادبك اربعين مليون جنيه خلاص انا هديك اقصد هديك دلوقتي في الاوضة دي اربعين مليون جنيه. وهنطلع قدام الناس - [00:27:22](#)

هنقول احنا عاوزين نبنى جامع فانت تقول ايه؟ ومني مليون جنيه اتفقنا؟ قال لي اتفقنا فانا ادبته الاربعين مليون ورحنا طلعتنا قدام الناس في واحد قال يا جماعة في هنا ايتام ولا مسجد عاوزين نبنيه وبتاع وعايزين نساعد. فراح الراجل ده طالع عليه مني مليون جنيه - [00:27:40](#)

خلاص واحد بقى يعدل اللياقة قدامي خلاص ويقول انا بفضل الله المال ده مش فارق معي. انا ما بيقفش معي. انا برضه قلت لأ برضه الواحد يتصدق برضه عشان اخرته وعشان كذا وعشان كذا وعشان كذا. وانا قاعد - [00:27:58](#)

بسمعه وهو قاعد عمال يتكلم بالطريقة دي تتخيلوا ان هو اصلا سيجرؤ ان يثني على فعله. وانا جالس بل الناس اللي داخله تسلم عليه هيبقى بيسلم ببرود كده صح ومكسوف - [00:28:14](#)

ومحرج وفي غاية يعني الاحراج صح ليه لما نيحي نطلع الزكاة كده بنحس ان احنا يعني بنجبي على الفقير يعني؟ خد يا عم يلا نطلع ويا شيخ ينفع مش هديها له فلوس - [00:28:35](#)

ينفع اديها له تلاجة عشان ما يصرفهاش يا جماعة يا جماعة الزكاة بتاعة الفقير ملك مش ملكك انت هي ملك لله وقال لك الداع حصة الفقير. انت قاعد اومال تتحرك فيها ليه وتتحكم فيها - [00:28:52](#)

التصرف فرع من الملكية. انا بتصرف في الموبايل بتاعي كما شئت لانه ملك لي. صح؟ المال ده ملك للفقير. بس هو كان عندك في جيبك رح اديهوله وهو يقول لك تعمل به ايه - [00:29:07](#)

ده الامر على فكرة يأمرك كده امتى بقى تعمل كده؟ لو انت فهمت الفلسفة فلسفة اصلا ان الزكاة دي مش بتاعتك واحد يقول لك مش فلوسي وانا حر فيها. يا حبيب قلبي. دي مش فلوسك - [00:29:20](#)

اتفقنا فاذا مفهوم العبودية والملكية ده ان الله سبحانه وتعالى هو الذي يملكك يخليك دايمًا مستحضر ان الجوارح دي مش بتاعتك فتقول ايه بقى تبدأ تدوق المعنى ده بقى ومتعنا - [00:29:35](#)

ومتعنا باسماعنا. انا عاوز يا رب سمعي اكون مستمتع به اتمتع بسمعي واتمتع ببصري واتمتع بقوتي فاذا استعمل العبد السمع والبصر والقوة في معصية الله حرم منها ومن التمتع بها - [00:29:54](#)

ليه لان عمليا وعمره الدنيوي قد ايه العمر الدنيوي للانسان هتعيش قد ايه خمسين ستين سبعين ثمانين مية انت تعرف كم واحد في محيطك عدى المية بالعيلة بتاعتك تعرف كم؟ هتلاقي واحد اتنين - [00:30:17](#)

صح كده؟ ما فيش طب انت هتعيش مية سنة يا سيدي؟ هتعيش مية سنة. هتعيش في قبرك قد ايه انت مدرك الناس اللي ماتت من تسعمية سنة بقى لهم تسعميت سنة تحت في التربة؟ - [00:30:40](#)

انت مدرك بقى لهم تسعميت سنة تحت التربة انت مدرك العمق ده طيب انت تعرف ان القيام هتقوم امتى فانت لو دخلت قبرك لو القيامة باقي عليها يوم ونص بمعيار بيوم آآ كما عند الله سبحانه وتعالى - [00:30:55](#)

هيبقى قدامك ايه؟ قدامك الف ونص الف سنة تبقى انت تحت في التربة طب وانت تحت بقى في التربة لو كنت مقضيها السمع والبصر والقوة دي كلها في معصية الله هتتمتع بها في تربتك - [00:31:18](#)

طيب يا سيدي يوم القيامة هنعدي الخمسين الف سنة بتاعة ايه الساهرة هتخش الجنة وانت كت صارف الثلاثة دول في حنة تانية والعياز بالله ولا هيتحاسب عليها؟ طبعا اما يتحاسب بقى السمع والبصر دلوقتي يتمتعوا - [00:31:36](#)

انا عيني دلوقتي اتمتع انا لساني دلوقتي اتمتع انا جسمي اتع ولا ايه اللي حصل لي عرفتوا بقى يعني ايه متعنا؟ يعني متعني هنا وهناك مش مجرد بس الموضوع كده لأ - [00:31:54](#)

فاللي بيستعمل السمع والبصر والمعصية ليل نهار البعد عن الله بيحرم منها فلا تكون عليه الا نقمة نسال الله العفو والعافية ولزلك النبي صلى الله عليه وسلم كان يستعيز من ان يرد الى اردل العمر - [00:32:13](#)

لان ارذل العمر اللي هو ايه بقى؟ عمر الانسان بيكون فيه سقيلا يتألم بانواع الالام واجزاؤه سبحانه الله. يشهد اجزاؤه قد ماتت ايده
تتقطع رجله تتقطع فقاعد عمال يشوفه قدام عينه - [00:32:30](#)

اعضائه بتسيبه فيشهد الاجزاء ديت تتفلت منه وصار لا يعلم من بعد علمه خلاص ما عدش عارف بقى تايه كما قال الله ومنكم من
يرد الى ارذل العمر لكي لا يعلم من بعد علم شيئا - [00:32:52](#)

الله اكبر عشان كده كان يستعيز صلى الله عليه وسلم من المرحلة دي اعوذ بك ان ارد الى ارذل العمر عمر رزل عند الناس صعب لا
انت متحمل والدك وهو في السن ده - [00:33:16](#)

ولا عارف تعيش معاه ولا هو سبحانه الله حاسس بالقهر حاسس ان هو بقى مصدر الام لكل من حوله ويتألم ولا يستطيع ان يبوح بما
يؤلمه سبحانه الله ما الواحد يبدأ يدرك بقى - [00:33:39](#)

يدرك تماما اللي بيكون في طاعة الله في الاغلب في الاغلب بيوفق بالجوارح ديت لو استعملها في طاعة الله كان سببا للاستماع بها
وان ربنا يحفظها له كنت سمعه الذي يسمع به وبصره الذي يبصر به ويده التي يبطش بها - [00:34:02](#)

سبحان الله! ولذلك قال النبي صلى الله عليه وسلم داعية وكاشفا نعم خير. قال نضر الله نضر الله الله اكبر يعني ده دعاء ولا خبر نضر
الله امرئ سمع منا حديثا. يعني النبي صلى الله عليه وسلم بيدعي ان ربنا ينضر وجهه وش حد يعني ينوره يخليه كده دايم فييه
نضارة - [00:34:25](#)

قدر الله امرئا سمع منا حديثا. سمع حديث فحفظه حتى يبلغه فرب حامل فقه الى من هو افقه منه. سبحانه الله! ولذلك دايماء علماء
الحديث وعلماء السنة وعلماء القرآن تشوفهم - [00:34:48](#)

تحس كده وشهم منور نشوف مشايخنا كده المختصين بالحديث بالزات واللي دايماء اهل السنة والجماعة ودايماء الوحي على السننهم.
تحس كده الله اكبر في يعني اصابتهم دعوة محمد صلى الله عليه وسلم - [00:35:03](#)

لذلك بعض العلماء تلاقية جوز الستين جوز المية وهو متمتع بقوته وعقله في يوم من الايام واحد من الكبار دول وسب يوما وسبة
فط كده فواحد عاتبه ايه اللي انت بتعمله ده - [00:35:21](#)

قال هذه جوارح حفزناها عن المعاصي في الصغر فحفظها الله علينا في الكبر الله اكبر. ده مش معناه ان اي واحد تاني استعمل يعني
اصيب بشيء يبقى استعملها في الايه؟ في في معصية الله. لا لا اقصد ذلك. ولكن اقصد ايه - [00:35:34](#)

ان من اسباب حفز الجوارح وانت كبير وتمتع بها ان تستعمل في طاعة الله انك تستعملها في طاعة الله سبحانه وتعالى كان النبي
يستعيز من الامراض اللي تمنع الانسان عن كثير من الطاعات - [00:35:53](#)

اللهم اني اعوذ بك من العجز. في واحد عنده عجز. كل شوية مش قادر مش قادر. والكسل كسلان شوفوا الحديث ده سبحانه الله لو
ربنا استجابك منك شوف لو الله سبحانه وتعالى استجاب لاهل مصر هذا الحديث - [00:36:11](#)

شوف كمية الامراض والاشكالات اللي هتتحل ايه تعالوا نشوف الحديث كده بيقول ايه؟ اللهم اني اعوذ بك من العجز والكسل
والجبين ما تلاقيش حد جبان والبخل ما تلاقيش حد بخيل - [00:36:27](#)

والهرم فالانسان يكون عنده خرف والكلام ده والقسوة والغفلة والعيلة الفقر والزلة والمسكنة واعوذ بك من الفقر والكفر والفسوق
والشقاق والنفاق والسمعة والرياء واعوذ بك من الصمم ليه استعاذ النبي صلى الله عليه وسلم من الامراض دي؟ لان دي بتعطلك انك
تتمتع بجوارحك - [00:36:40](#)

واعوذ بك من الصمد والبكم والجنون والجذام والبرص وسيء الاسقام اي نعم لو انسان ابتلي بهذه الاشياء تكون مكفرات له مطهرات
بالصحيحة ومع ذلك النبي يحثك انك لا تطلب البلاء ولا تتمناه - [00:37:04](#)

سبحان الله! اذا ابتلي انسان بمضرة من ذلك لا يحزن طالما كان نهائي كان محتسب يقول النبي في من يعني فقد عينيه من اذهبت
يقول الله سبحانه وتعالى من اذهبت حبيبته فصبر واحتسب لم ارضى له - [00:37:26](#)

توابا دون الجنة. يا سلام يا سلام لكل صابر وكل راضي وكل محتسب من فقد عينيه او احدهما يا سلام نسأل الله ان يبصرنا

ويبصرهم بالحق دائما ويرزقنا واياهم اتباعه - [00:37:42](#)

فالمؤمن اي نعم لا يتمنى البلاء بل يسأل الله دائما السلامة والعافية في الجوارح ديت وذلك عبدالرحمن بن ابي بكره رضي الله عنه
قال لابيه يا ابتي اني اسمعك تدعو كل غداه. قل صبح - [00:38:04](#)

اللهم عافني في بدني اللهم عافني في سمعي اللهم عافني في بصري لا اله الا انت تعيدها ثلاثا حين تصبح وثلاثا حين تمسي وتقول
اللهم اني اعوذ بك من الكفر والفقير. اللهم اني اعوذ بك من عذاب القبر لا اله الا انت. تعيدها حين تصبح ثلاثا وحين - [00:38:20](#)
قال نعم يا بني اني سمعت النبي صلى الله عليه وسلم يدعو بهن فاحب ان استن بسنته. الله اكبر ولذلك كان النبي حريص صلى الله
عليه وسلم ان يدعو ويعلمنا - [00:38:42](#)

انك تدعي دايمًا لجوارحك ولو تتبعنا الكلام ده في السنة ياه ده شف النبي صلى الله عليه وسلم يقول ايه اللهم اجعل في قلبي نورا
وفي عيني نورا وفي لساني نورك يعني تفاصيل. اللهم بارك لنا في اسماعنا وابصارنا وقلوبنا - [00:38:59](#)
وذريته. ايه ده! ايه الجمال ده درجة النبي صلى الله عليه وسلم يستعيز بالله من شر الجوارح كل جراحة. اللهم اني اعوذ بك من شر
سمعي ومن شر بصري ومن شر لساني ومن شر قلبي حتى - [00:39:18](#)

قال ومن شر مني ايه ده! ايه الجمال ده لذك كان النبي يكثر من هذه الدعاء هذه الادعية اللهم متعني بسمعي وبصري واجعلهما
الوارث مني الله اكبر وذلك كعائشة بتحكي لنا تقول ان النبي كان يدعو - [00:39:31](#)
صلى الله عليه وسلم اللهم اجعل اوسع رزقي الحديث ده مهم اوي اوي يا جماعة. خاصة اه اكبرنا اللهم اجعل اوسع رزقك علي
عند كبر سني وانقطاع عمري ياه - [00:39:51](#)

مهم قوي الدعاء ده فعرفتوا ليه بقى ربنا اداك الجوارح دي ربنا لا يريد هذه المنافع لاجل الدنيا ربنا مش اداك الحاجات دي عشان
الدنيا وبس لأ الله اعطاك انما يريد ان - [00:40:11](#)

انك تسجد لله انك تركع لله ان تقوم لله انك تصوم لله انك تتعلم دين الله انك تأمر بالمعروف وتنهى عن المنكر. انك تجاهد في سبيل
الله. مش مجرد استمتاع باللذات واللعب واللهو - [00:40:29](#)
وده مباح؟ اه مباح بس ربنا لم يخلقك للفعل المباح يقول لك انا ما بعملش حاجة غلط ودي من ضمن الافات اللي داخله اليومين دول
في بيوت ناس كتير - [00:40:43](#)

ايه هو بقى بتلاقي ان في ناس كتير حياتها اليوم يوم يوم و ليلة في حياة اه مستقيم او مستقيمة منتحي او محجة او ايا كان تلاقي
ايه ايامها ماشية ازاي - [00:41:00](#)

في البداية يبدأ الشيطان معهم يقول لك ايه يا عم ساعة وساعة هو كله كده حفز قرآن! تفاجأ اصلا تدور على ساعة الحفز القرآني
تلاقيها يوم الاثنين وهي ايه؟ ساعة ونص. طب وباقي الاسبوع - [00:41:17](#)
كله ما بيعملش حاجة واحد كل شوية ايه؟ من بعد ما يطلع من الحلقة يقول لك ساعة وساعة. ساعة وساعة وساعة ساعة
وساعة. لأ ده كده شهر وساعة ما عدش ساعة وساعة - [00:41:27](#)

تلاقيه يقطع المسافات الكبيرة. ليه رايعين ناكل في مطعم في محافظة كذا ساعة ونص رايع جاي جميل. هو حرام ان انا
اكل في مطعم في آآ في محافظة تانية؟ لا لا ما فيش مشكلة. بس هو سؤال. هو الكلام ده انت بتعمله ايه؟ لا انا بعمل كده كل يوم
يعني يومين في الاسبوع ثلاث ايام في الاسبوع. كل عام وانت فاضي - [00:41:38](#)
اتنين طب يا سيدي لما ما بتسافرش القاهرة بتعمل ايه؟ بنزل بقى ليه؟ نقعد في مطعم هنا في الزقازيق. طب ما بنزل مش عارف
ايه؟ والكلام ده كله. قلنا حاجزين ملعب مش عارف فين. وبنزل - [00:41:57](#)

شوف انا منزل كل تطبيقات العروض كل تطبيقات العروض عندي الحي ده فيه آآ عرض على حلتين. آآ فيه عرض على الزيت اللي
مش عارف ايه. الحق ده ما آآ مش عارف ده نزله عرض على بسكوت اللي مش عارف ايه عشان دخلة المدارس - [00:42:08](#)
الحق الحق الحق ايه؟ فتلاقي نفسك استهلاك استهلاك استهلاك استهلاك استهلاك استهلاك استهلاك استهلاك وبعد

اتفاقينا احنا في التحفيز شغالين دنيا كثير منا الا ما رحم ربي. عشان كده الاخا بقى يا جماعة اما تيجي تشوف كده السلف الصالح

اللي كانوا عارفين الدعاء ده متعنا باسماعنا - [00:47:42](#)

معاذ رضي الله عنه لما احتضن قال ايه بقى؟ قال اللهم انك تعلم اني لم اكن احب البقاء في الدنيا لحفر الانهار ولا لغرس الاشجار انا يا

رب انا كنت بحب البقاء في الدنيا - [00:47:56](#)

بس انا ما كنتش حابه عشان اللقطة دي. عشان يبقى عشان الذهب. ايه هو الذهب بتاعك يا معاز قال ولكني كنت احب البقاء لمكابدة

الليل. ياه انا بصحى اربعة ونص - [00:48:11](#)

يا في الشتا اما اصحى الساعة ثلاثة متعة احب البقاء لمكابدة الليل. دخل اتوضى الماية تلج واقول له بقلبي انا مستمتع يا رب ان انا

بعمل عبادة انت تحبها ولكني كنت احب البقاء لمكابدة الليل وظماً الهواجر في الحر الشديد - [00:48:25](#)

انا باعير انا بغيب بصوب خلاص مركز قوي عاليوم اللي يبقى حر قوي واروح بقى منشن عليه بقول ده انا هصومه وظماً الهواجر في

الحر الشديد عشان هكون انا عطشان لك يا رب - [00:48:48](#)

يا سلام يا جماعة شعوري ان الام تجوع عشان ولادها ياكلوا شعور عالي جدا لا تفقهوا الا الام شعور انك ممكن تيجي على نفسك وتدي

هدية لحبيبيك لا يفهمه الا اللي بيحب - [00:49:05](#)

شعور بقى ان هو يعطش لحبيبه يقول له يا رب انا عطشان لك يا رب انا حاسس بالزمأ لكني احبك اتحمل هذا الامر لانك تحبه ولكني

كنت احب البقاء لمكابدة الليل - [00:49:19](#)

وظماً الهواجر في الحر الشديد ومزاحمة العلماء بالركب عند حلق الذكر. انا كنا ماشي كده الاقي اي مجلس حلم كنت استمتع اخش

احاول ادخل وبتاع وسبحان الله مزاحمة العلماء وسعيد بن جبير يقول لما اصيب ابن عمر رضي الله عنه - [00:49:36](#)

قال ما تركت خلفي شيئاً من الدنيا اثنى علي. ما فيش حاجة انا سايبها في الدنيا ابكي عليها الا ايه بقى؟ غير ظماً الهواجر وغير مشي

الى مشي الى صلاة. بيقول كان في ذهب انا شغال فيه. للاسف الذهب ده - [00:49:58](#)

اذا مات ابن ادم انقطع عمله مركزين في كلمة عمله ما تركوش فيها. ركزوا في اللي قبلها. انقطع الموضوع وقف خلاص وقف شف

اللي معك يلا نعد يلا نحاسبك ما تركت خلفي شيئاً من الدنيا اسى عليه غير ظماً الهواجر وغير مشي الى الصلاة - [00:50:14](#)

شوفوا النهاردة سبحان الله الشيخ آآ طارق السعيد رحمة الله عليه الشيخ طارق السعيد لا يحصي لا يحصي الخلق الذين استفادوا منه

الا ربهم هذا رجل توفاه الله لم يكن معروفا عند اهل الارض - [00:50:41](#)

هي غير متخصصين. لكن كان مشهورا عند اهل السماء هذا الرجل يا جماعة كان له مشروع بسيط كتاب بسيط خالص كتاب انت

تشتريه بخمسة جنيه عشرة جنيه. الكتاب ده اسمه نور البيان - [00:51:03](#)

الكتاب ده حالياً تقريبا من حوالي عشر سنوات الى الان لا توجد تقريبا دار قرآن ولا حضانة فيك يا مصر ولا مدرسة الا وهي اما

معتمدة كتابه او واحدة من كتابه - [00:51:21](#)

سواء علموا او جهلوا لان هو ممكن ياخذ من كتاب مش واخذ باله ان الكتاب ده اللي عامله الشيخ طارق السعيد عارفين يعني ايه؟ لا

مش كده وبس معنى كده ان ما فيش طالب في مصر - [00:51:38](#)

اخر تقريبا خمستاشر سنة نطق اللغة العربية ولنطق القرآن الا وهو مشاركته الاجر انتم مدركين وده ايه؟ ده في مصر ده في مصر غير

الهند غيره غيره ايه انا اعرف ليه في كل تقريبا مكان في العالم - [00:51:53](#)

انزل للسعودية الاقي الكتب بتاعته. ولو ما لقتش الكتاب بتاعه الاقي كتاب تاني متطور. يعني واحد مطور الكتاب بتاع الشيخ طارق

بس ايه ده ولا كان بعمل الموضوع مش محتاج فيزيا والموضوع محتاج نية - [00:52:18](#)

ماشي؟ انت هتكون معك نية كله كله بيتفك خلاص لو كتبت كده الشيخ طارق السعيد مش هتلاقي طارق السعيد هتلاقي طارق

السعيد نور البيان. عارف يعني ايه كلمة نور البيان واجعله الوارث منا. اللي هتيجي معنا دلوقتي هي دي واجعله الوارث منا -

[00:52:33](#)

هي دي نور البيان عشان كده لو بحسنا عن اسمك وعن اسمك بعد ما تموتي هنلاقي ايه على مواقع التواصل هنلاقي ايه عنك ايه اللي هنلاقيه ايه اللي هنلاقيه في صحيفتك - [00:52:48](#)

حتى لو احنا ما اطلعناش كبر في حاجات في الصحيفة هتزينها ولا لأ الناس دي يا جماعة كانوا عايشين مش لانفسهم عايشين للدين في دين عايشينه. ما هو ايه اللي خلاه يعمل حاجة زي كده؟ ما هو لو للمال - [00:53:09](#)

كنا هنقول ان في كتاب بيتباع بخمسة جنيهه وبعدين في ناس عاوزة تتبع الكتاب بيقول له بس ممنوع الكتاب ده يتطبع عندنا وفيه ناس يقول لهم يا جماعة شيلوا اسمي واكتبوا عليه اي اسم من عندكم. انا ما ليش حقوق طب اعملوا اللي انتم عاوزينه - [00:53:27](#)

ايه الجمال ده طب وانت عملت الكتاب ده ليه؟ عشان ايسر على المسلمين يتعلموا اللغة يتعلموا الف باء ويتعلموا اللغة العربية. لا يوجد خلاص؟ سبحان الله ايه الجمال ده بقى - [00:53:40](#)

اما انت تشوف حاجة زي كده انك تغير وعلى فكرة الراجل لا كان له صفحة مكسرة الدنيا عشان اوعى تكون فاكر بس انت مشكلتك ان الكاميرا اللي ايه اللي بتصور لك المقاطع بتاعتك - [00:53:59](#)

اللي مش حلوة او ان الزوم بيقطع خلاص او مش بيحضر لك آآ عشر تلاف واحد. يا جماعة ده لا عنده كاميرا ولا عندي صفحة ولتكسير الدنيا اقصدي يعني البروباجاندا دي مش موجودة - [00:54:09](#)

البروباجاندا دي مش موجودة عشان كده في ناس يا جماعة عملك ده عملك زي ازاة المسك انت ماسكه في ايديك فاذا مت سقطت افلتت الزجاجة من يدك ففاح عبيرك. هو ده اللي بيحصل. الراجل ده كان ماسك ازاة عطر - [00:54:24](#)

ماشي بها ماشي بها ماشي بها. فلما مات وقعت منه فاتكسرت فكل الناس شموا العطر خلاص؟ كل واحد فيا ترى ايه الازاة اللي انت ماسكها ايه الزجاجة اللي انت ماسكها اما تتكسر فاح عبيرك - [00:54:46](#)

راح عطرك ان الكل هيشم الريحه الجميلة وقبلها اخ طيب من كفر الشيخ يموت العالم كله يتكلم عليه يا جماعة هو دي مش اتفاق ده مش بروجاندا مش مجموعة كده ده مش التراس. بيتكلموا لأ. انت لو النهارده فيه الف واحد انت مشغلهم والشيخ رايح - [00:55:06](#)

الشيخ جاي خلي بالك انت لما تموت مش مش هتروح الناحية دي الباب ده باب مهم قوي عشان كده حاول تشوف الناس دي كانت بتفكر ازاى والعجيب بقى ان الناس دي عايشة وسطينا - [00:55:30](#)

الراجل ده بقى عاش احداس التوترات وعاش احداس والشيخ برضو فعلا احسنتم الشيخ مشرف الشهري ما فيش طالب علم الا والراجل ده استفادوا منه المهم احنا سبحان الله يعني على قد ما فيه ناس بتموت كثير بس اخر ثلاث اربع شهور كده فيه مجموعة توفيت - [00:55:46](#)

ما كانوا معروفين يعني ناس ممكن تسمع كده اسماء من بعيدا بعيدا لكن عما بيحصد خلاص زي الشيخ اللي مات النهاردة الشيخ شهاب ياسين ممكن بعضكم مش هيعرفوا لكن اما تيجي تسمع وتقرأ ايه ده! ايه ده! ايه الجمال ده - [00:56:09](#)

اول حاجة تطلع بها ايه انك تجدد النية مع الله انها تبدأ تصحى تاني وتقول هو انا رايح فين وايه اللي بيحصل لي وانا عاوز من ده الحاجة الثانية ان الله يقيم علينا الحجة. عارفين ايه؟ ليه بيقم علينا الحجة - [00:56:23](#)

اوعى تتحجج تقول ايه اصل احنا عصرنا عصر مختلف. لا لا حواليك اهو شوف شوف في نجوم حواليك يلا هنوريك واحد واتنين وتلاتة واربعة وخمسة وستة وعشرة ففي ناس كثير في عصبك - [00:56:44](#)

موجودين واشتغل ومنوعين فيه واحد غني جدا زي العربي عشان مش تيجي تقول لي التجارة واخداك اهو واللي كان قبله من ثلاث اربع سنوات صاحب معهد الايه آآ بتاع المعهد الديني - [00:56:59](#)

الشيخ صلاح اما تيجي تشوف عالم هنلاقي آآ واحد راجل بسيط دكتور في فنه عشان ما تتحججش تقول اصل انا مجالي ما ينفعش لأ طريق الاخرة واسع اي حاجة بقلبك هتجيب - [00:57:15](#)

لكن لو صدقت مع الله سبحانه وتعالى يبقى ده اول معنى. تاني معنى وده ضروري جدا الانسان يستوعبه عشان يمتعك الله بسمعك وبصرك وقوتك انك تسأل نفسك سؤال هي الناس دي مش عاشت الاحداس يعني مسلا عبدالرحمن السميطة - [00:57:31](#)

مش عدت عليه احداس حرب الخليج والعراق والكويت والكلام ده مش عدت عليه ولا ما عدتش عدت عليه عبد الوهاب المسيري
مش عدت عليه الاحداس ده يا جماعة عبدالوهاب المزيري ده كان شبه يعني شبه محجوز مش عارف يطلع متحاصر في الكويت وهو
بيكتب الموسوعة بتاعته - [00:57:48](#)

الناس دي يا جماعة اتعاملت مع كل الاحداس اللي حوالها زي بالزبط كده واحة واحدة زوجها مات. تعمل ايه بقى؟ رمت عيالها؟ لأ.
قالت انا سواء اتجوزت او مش اتجوزت اربي اولادي واعلمهم وافهمهم وانميهم واشتغل اه حزينه بس شغالة - [00:58:16](#)
الناس دي كانت بتتفاعل مع هموم الامة بس شغالين سبحان الله كل دول اشتغلوا الناس واحد زي الشيخ طارق ده ما هو مر في على
هو قاعد في نفس البلد اللي انت قاعد فيها - [00:58:37](#)

والزروف هي نفس الزروف والازمات الاقتصادية هي نفس كل حاجة موجودة ايه بقى اللي مخليك؟ لا اصل انا حاسس بالاحباط
عشان احوال الامة. اصل انت شايف اللي حوالينا في ناس بيتعاملوا مع الاحباط ده كل اما الامور بتزداد - [00:58:51](#)
بيتعامل معها ان هي فرصة ذهبية للاجر الاعلى. ليه لان لو الامور كلها مفتوحة والامور كلها ميسرة فالكل هيشغل لكن عملوا امور
تبقى معقدة هو بيشوفها ايه؟ آآ زي بالزبط التجار - [00:59:11](#)

التجار لو خدتوا بالكم بيتعاملوا ازاي عمال حاجة تختفي من السوق اما مسلا يحصل آآ اما يحصل زلزال ضخم جدا ويوت تتهدم ربنا
يعافينا. تعوت الاسمنت والطوب بيبقوا مبسوطين صح - [00:59:27](#)
بتعود الكمامة بتعود الكمامة لغاية دلوقتي منشكحين كان بيبيع كم كمامة على قد المستشفيات والدكاترة في العمليات. النهاردة عدوا
خالص يا بتوع الزوم مبسوطين. الجماعة المبرمجين مبسوطين مش مبسوطين ان الناس عندها مصيبة. لأ هو اتعامل ان الازمة دي
فرصة - [00:59:46](#)

انت كتاجر مع ربنا كل ازمات بتمر على المسلمين هي فرصة لك انك تفتح معها مشاريع. ما هو الراجل ده شاف فرصة. ايه هي ازمة
ان ما فيش منهج مناسب ان الاولاد يتعلموا اللغة العربية ويتعلموا القرآن بطريقة ممنهجة - [01:00:05](#)
شايف ان دي ازمة تعامل معها ان هي ايه ان هي فرصة للاجر الكبير فدخل فوقه الله سبحانه وتعالى لكن في واحد دايم راكم على
ايه؟ على الازمات. انت شايف الدنيا شايف ده قفله. ده خده. ده كورونا منعت الناس من حلقات القرآن. واحد تاني شافها ايه؟ احنا
كان عندنا كام - [01:00:21](#)

طالبة عندنا مية ودلوقتي كان ايه اللي شاغلنا ان احنا نقبل اكثر من كده الدار والانشغال. الدار اتقفلت عشان كورونا او عشان
التراخيص؟ اه طيب هنبدا بقى اونلاين وبقى عندنا عشر تلاف - [01:00:40](#)
فرصة يلا بسم الله كورسا للاخوات اللي ما بتنزلش عشان بيوتها ولا ايا كان فتح فتح. وهو رآها فتح فلقي ان هي فرص للعمل بس مع
الله فبعض الناس يشوف الازمة يقول لك هعمل ايه - [01:00:55](#)

زي بالزبط انس ابن النضر سبحان الله! جه متأخر غزوة ايه؟ احد فلقى مين؟ لقي الصحابة سعد ابن معاذ آآ رضي الله عنه نقابله
فبيقول له ايه؟ قال له مات رسول الله. وكلهم قاعدين كده - [01:01:13](#)

طب ما افتكروا ان النبي مات فبيقولوا له ده مات النبي. هو دي ازمة ولا مش ازمة هو قلبها فرصة للشهادة. قال فقوموا فموتوا على
ما مات عليه جميل قوي - [01:01:31](#)

ده ده دافع شديد قوي ان احنا نكمل وراح انطلق بقى دايم تشوف الازمات فرص للانطلاق البنات بيبعدوا قوي والناس بقى بيبعدوا
قوي والولاد بيبعدوا قوي وما فيش حد بيعلمهم. فرصة جميلة قوي انك تعمل بقى مقرر لما لا يسع الشاب جهله - [01:01:42](#)
وبطريقة محترفة تحب الناس فبدل ما كنت هتستهدف عشرة عشرين بالمنهج ده فتح وتبيع كتب بسيطة قوي ومناهج بسيطة قوي
لكل هؤلاء ده فيه ناس فيه ازمة كبيرة جدا فيه شباب كثير طالع مش فاهم يا شيخ سنن الوضوء ونواقض الوضوء. حاجة صعبة
خالص - [01:02:05](#)

تقولوا دي فرصة جميلة قوي لايه انك تعمل مقاطع ثلاث دقائق عفوية خالص ازاي نتوضا باسلوب بسيط وبلغة الشباب يلا بسم الله

تنطلق تفاجئ بايه انت كان عينك على عشرين وشاب - [01:02:30](#)

تفاجئ اللي سمع المقاطع ديت كم شاب ده فيه ملايين مملينة كانت تايهة وانت بعيد عنها ما تعرفهاش. المقطع المقطع بتاعك وصل لهم وعرفوا ازاي يتوضوا وعرفوا ازاي يصلوا فاذا اراد الله ان ينشر سنة - [01:02:44](#)

ربما ضيق على شيه ولزلك كان ابن تيمية له كلمة تنقل عنه اذا اراد الله نشر فضيلة دبر لها او اطلق لها لسان حسود. ان في واحد يطلع يتكلم عن الحجاب. اتكلم عن الحجاب؟ اه فرصة يلا كله يتكلم بقى عن الحجاب وفضل الحجاب - [01:03:03](#)

ومش عارف ايه وحفلة للحجاب الله اكبر. ايه الجمال ده! واحد يطلع يسب النبي صلى الله عليه وسلم ايه اللي يحصل؟ برامج بقى وكتب وفعاليات ومؤتمرات والله اكبر. كل ده ليه؟ لرفع لان دي في فرصة انك ترفع ذكر النبي صلى الله - [01:03:22](#)

الله يسلمك انتم شفتم الانسان عمال يتعامل مع الحاجات ديت الاخبار اللي حوالينا كلها بتزكرنا بالموت. دي فرصة. فرصة لايه؟ لحاجتين. انك تبدأ تزكر الناس بالموت والحاجة الثانية انك تستعد وتنطلق - [01:03:41](#)

مش قول واحد بقى واحبط بقى وكله بيموت والله بقيت انا خلاص انا بقيت مخنوق قوي وبتاع والكلام ده كله. لأه فهنا عبدالله عبدالله بن عمر بيقول انا ما تركت خلفي شيئا من الدنيا اسي عليه ابكي عليه غير ضماً الهواجر وغير مشي الى الصلاة - [01:03:58](#)

وقتاده بيقول ان عامر بن عبد قيس لما حضره الموت جعل يبكي فقيل له ما يبكيك؟ ايه اللي يبكيك؟ قال لهم ايه؟ ما ابكي جزعا من الموت ولا حرصا على الدنيا. لا دي ولا دي - [01:04:16](#)

امال ايه طيب قال ولكن ابكي على ظمأ الهواجر يعني الصيام الايام شديدة الحر وعلى قيام الليل في الشتاء شوفوا يا جماعة الناس دي الناس دي بتفكر ازاي بقول يا جماعة كان الدنيا بتكتك بالليل - [01:04:30](#)

وانا كنت بقوم في الوقت ده في حين نام الناس ليه؟ لان دخول الجنة بسلام عندما تصلي ركعتين والناس نيام صلوا ركعتين والناس نيام اه الحق بقى ارواح انا بقى والجو متكتك ده بصلي يعني بالفلق والناس - [01:04:50](#)

بس متعة متعة انك تكون بتتك لله ليه؟ لان بقى العشر دقائق ما انا هتكتك للدنيا وهنزل للشغل ولا هنزل للجامعة والدنيا تنزل واقول للمدير ممكن نغيب النهاردة بيقول كله ده النهاردة بالزات - [01:05:07](#)

بقى كلكم غياب لو اللي مش هيبجي وفي خصم جديد لا اقوم انا واقول له يا رب اشهدك ان النوم احب الي الان وان هواي في النوم ولكن الاحب ان ايه؟ ان افعل ما تحب - [01:05:21](#)

ابو الدرداء بيقول لولا سلاس خلال لاحبب الا ابقى في الدنيا. بيقول في ثلاث حاجات هي اللي مخلاني ايه مركز في الدنيا شوية احكي لنا قال لولا وضع وجهي للسجود لخالقي في اختلاف الليل والنهار اقدمه لحياتي - [01:05:40](#)

بيقول لولا يعني ايه السجدين ثلاثة اللي بسجدهم بالليل دول دول مخليني يعني ايه مركز وراشق في الدنيا وظمأ الهواجر ومقاعدة اقوام ينتقون الكلام كما تنطق الفاكهة قال بيقولوا لي والله انا من ضمن الحاجات اللي مخلياني حابب الدنيا درس بتاع الاخ فلان -

[01:05:59](#)

القعدة مع مصعب مقاعدة اقوام ينطقون الكلام كما تنطق الفاكهة. بيقول دي مخلياني اصلا حابب الدنيا كده يا جماعة الدنيا مش ملعونة بمعنى ايه؟ ان كل اللي في الدنيا ملعون. لا. هو قراءتك للقرآن ما هتبقى في الدنيا. صلاتك ما هتبقى في الدنيا -

[01:06:17](#)

ما في حاجات في الدنيا جميلة ايه بقى هي الجمال فيها الدعاء ومتعنا انك تكون مستمتع انك تكون مستمتع عشان كده الدعاء اللي بعده ايه؟ واجعله الوارث منا. بما انا احنا عدينا ساعة مش هنقدر نشرح الدعاء دي انت كبيرة كده - [01:06:37](#)

فهنقف عند ايه واجعله الوارث منا. يبقى احنا النهاردة دعينا وفهمنا ومتعنا اللهم باسماعنا وابصارنا وقوتنا ما احيانا واجعله الوارث منا دي هنكملها المرة الجاية لان لها معنى عميق جدا جدا - [01:06:56](#)

ان الحاجات ديت انها تبقى حتى ترثها فاسأل الله سبحانه وتعالى ان يسدنا واياكم ويرزقنا واياكم من فضله وينفع بنا وبكم. الناس بيقولوا لنا نكمل نكمل. انا لو كملت بصوا في قاعدة حطها ابن مسعود - [01:07:15](#)

جميلة اوي وبما ان احنا بنحب الصحابة فبنتبعهم ده ليه حدس الناس انا حدثت حدث الناس. لكن تسيب الناس وهم في شوق انك

ايه تكمل عشان يدهم الشوق ده مكملين عليه - [01:07:38](#)

لكن لو حدستهم وطولت لغاية ما ملوا هتلاقي بقى ايه هو الدرس اخره الساعة كام وبيع يدي اول ما تلاقي الناس بقى بتلملم وتسال

الاسئلة ديت واللي بيعدل ظهره واللي بيفرد واللي بيص واللي بيقول لمامته الساعة كم دلوقتي العشاء امتى - [01:07:56](#)

هو قدام حضرتك كتير اول ما الاسئلة دي تيجي على طول انت تلحق وايه وتخلص الدرس يعني. بس طبعا ما حدش يعمل معي

الحركة ديت يعني. ما يبدأش اول ما ابدأ الدرس يقول لي هنتتهي امتى؟ عشان مش هنتهي. انا عارف كويس قوي. ان شاء الله -

[01:08:13](#)

وربنا يحفزكم ويبارك فيكم ويسدنا واياكم. اللي عاوز يستمتع باللقاء يمسك الدعاء ده ويخليه الجراه طول الاسبوع طول اسبوعي

ده انه يقول ايه هذا الدعاء لو ده اللي يقوله ان شاء الله ايه ممكن نستفيد منه. ربنا يحفظكم ويبارك فيكم ويسدنا واياكم لكل خير.

وينفع بنا وبكم حيثما كنا وكنا - [01:08:29](#)